

**CONVENIO ENTRE A CONSELLERÍA DE CULTURA, EDUCACIÓN E UNIVERSIDADE E A UNIVERSIDADE DE SANTIAGO DE COMPOSTELA, A UNIVERSIDADE DA CORUÑA E A UNIVERSIDADE DE VIGO PARA O RECOÑECEMENTO DA CORRESPONDENCIA ENTRE CICLOS FORMATIVOS DE GRAO SUPERIOR DA FORMACIÓN PROFESIONAL INICIAL E MATERIAS DE ESTUDOS UNIVERSITARIOS**

**REUNIDOS**

Dunha parte, don Román Rodríguez González, conselleiro de Cultura, Educación e Universidade da Xunta de Galicia, en representación desta e de conformidade coas atribucións conferidas no Decreto 112/2020, do 6 de setembro, do seu nomeamento, no Decreto 198/2020, do 20 de novembro, polo que se establece a estrutura orgánica da Consellería de Cultura, Educación e Universidade e no artigo 34.1 da Lei 1/1983, do 22 de febreiro, reguladora da Xunta e da súa Presidencia.

E doutra, don -----, reitor magnífico da Universidade de Santiago de Compostela (USC), en representación da mesma segundo o nomeamento efectuado polo Decreto 57/2018, do 31 de maio, publicado no D.O.G. nº 106, do 5 de xuño de 2018, e actuando en virtude das facultades que lle confire o artigo 20 da Lei orgánica 6/2001, do 21 de decembro, de Universidades, e o artigo 87 do Decreto 14/2014, do 30 de xaneiro, polo que se aproban os Estatutos da USC.

Don -----, reitor magnífico da Universidade da Coruña, en representación desta entidade e de conformidade coas competencias que lle outorga o artigo 36.1.f) dos Estatutos da Universidade da Coruña, aprobados polo Decreto 101/2004, do 13 de maio, e publicados no DOG nº 100, do 26 de maio do

2004, e modificados polo Decreto 194/2007, do 11 de outubro, e publicados no DOG nº 201, do 17 do outubro do 2007.

E don -----, reitor magnífico da Universidade de Vigo, en representación da mesma e en uso das facultades que lle confire o artigo 29 dos Estatutos da Universidade de Vigo, aprobados polo Decreto 13/2019, do 24 de xaneiro, e publicados no DOG nº 38, do 22 de febreiro do 2019.

Interveñen en función dos seus respectivos cargos no exercicio das facultades que en nome das entidades que representan, teñen conferidas e,

### **EXPOÑEN**

1. Que a Lei orgánica 3/2020, do 29 de decembro, pola que se modifica a Lei Orgánica 2/2006, do 3 de maio, de Educación modifica a redacción do apartado 2 do artigo 44 da referida Lei orgánica 2/2006, e determina no seu punto 38 que os alumnos e alumnas que superen os ciclos formativos de grao superior da formación profesional obterán o título de Técnico ou Técnica Superior. O título de Técnico Superior permitirá o acceso, previa superación dun procedemento de admisión, aos estudos universitarios de grao, así como aos recoñecementos dos créditos universitarios que correspondan.

2. Que a Lei orgánica 6/2001, do 21 de decembro, de universidades, no seu artigo 2º recoñece a autonomía universitaria e no punto 2 apartado f) do mesmo artigo establece que dita autonomía comprende entre outros extremos, a verificación dos coñecementos dos estudiantes e no apartado d) atribúe ás universidades a competencia para a elaboración e aprobación dos seus plans de estudos.

3. Que o Real decreto 1618/2011, do 14 de novembro, sobre o recoñecemento de estudos no ámbito da educación superior establece o réxime de recoñecemento de estudos entre as diferentes ensinanzas que constitúen a educación superior.

4. Que a Consellería de Cultura, Educación e Universidade e as tres universidades galegas no ámbito das súas respectivas competencias educativas, teñen a vontade de promover a continuación de estudos universitarios aos/ás titulados/as técnicos superiores da formación profesional inicial e recoñecerllles a formación adquirida no ciclo formativo superior que teñan cursado, conforme ao real decreto citado no punto anterior.

5. Que é a Consellería de Cultura, Educación e Universidade da Xunta de Galicia, a quen lle corresponde a planificación, ordenación, dirección e execución das competencias atribuídas á Comunidade Autónoma en materia de universidades, e de acordo coas anteriores manifestacións, ten a vontade de continuar con esta experiencia, iniciada no curso escolar 2004-2005, e incorporar a novas titulacións universitarias de grao, que serán obxecto de recoñecemento de créditos e materias para o curso académico 2021-2022.

En consecuencia, as entidades asinantes, de conformidade co exposto, formalizan o presente convenio de colaboración de acordo coas seguintes,

## CLÁUSULAS

### **Primeira. Obxecto do convenio**

O obxecto deste convenio é o recoñecemento da correspondencia entre ciclos formativos de grao superior da formación profesional inicial e materias de estudos universitarios que se imparten na USC, na UDC e na Universidade de Vigo.

## **Segunda. Estudos implicados**

Os estudos implicados no recoñecemento de correspondencias serán os indicados no anexo.

## **Terceira. Aplicación dos recoñecementos**

Os recoñecementos serán de aplicación aos/ás titulados/as técnicos superiores dos ciclos formativos, procedentes de calquera centro de ensinanza de Galicia ou de outra Comunidade Autónoma sempre que o currículo sexa coincidente, que accedan ou estean cursando os estudos universitarios, aos que se fai referencia na cláusula anterior, nos centros docentes da USC, nos da UDC e nos da Universidade de Vigo. Todo isto respectando o proceso xeral de preinscrición universitaria e unha vez que acadaran o acceso á universidade.

## **Cuarta. Desenvolvemento dos recoñecementos**

As tres universidades galegas recoñecerán créditos dos estudos universitarios, en virtude do currículo de cada ciclo formativo, aos/ás titulados/as nos ciclos formativos de grao superior que se correspondan, segundo o establecido no anexo.

Na aplicación deste recoñecemento haberá que ter en conta que:

- a) O alumnado devengará as taxas correspondentes como materias recoñecidas.
- b) A cualificación das materias obxecto de recoñecemento será a nota media obtida polo/a alumno/a no ciclo formativo.

## **Quinta. Outras liñas de colaboración**

Coa finalidade de afondar nos mecanismos de cooperación que reforcen esta iniciativa, a Consellería de Cultura, Educación e Universidade e as tres universidades galegas establecerán liñas de actuación que faciliten o intercambio de recursos formativos e metodolóxicos e o acceso aos fondos bibliográficos e de información técnica.

### **Sexta. Difusión**

As partes comprométense a difundir esta experiencia, de recoñecemento das correspondencias entre ciclos formativos de grao superior e materias dos estudos universitarios, tanto a nivel institucional como nos centros educativos, informando aos estudiantes que posúan os requisitos para acceder a estes itinerarios formativos.

### **Sétima. Implementación**

Os recoñecementos de créditos e materias aos que se refire o presente convenio implementaranse no curso académico 2021-2022. O seu contido tamén se aplicará aos/ás estudiantes que iniciaran os seus estudos en cursos anteriores e que estean matriculados nas materias correspondentes neste curso, sempre con posterioridade á solicitude do recoñecemento por parte do/a estudiante.

### **Oitava. Comisión de seguimento**

Crearase unha comisión mixta, formada por dous representantes por cada unha das partes, que velará polo correcto desenvolvemento do presente convenio, e informará periodicamente ás partes do desenvolvemento e da evolución desta experiencia. Os/as membros desta comisión mixta serán nomeados, respectivamente, polas partes asinantes deste convenio.

### **Novena. Modificación**

As partes comprométense a avanzar na análise e na aplicación do recoñecemento de correspondencias entre outros ciclos formativos de grao superior de formación profesional inicial e outros estudos universitarios de grao que se imparten nas tres universidades galegas.

Para a modificación dos recoñecementos establecidos no anexo, esixirse informe da comisión con competencias en recoñecementos do centro correspondente.

### **Décima. Protección de datos**

De conformidade co disposto na Lei orgánica 3/2018, do 5 de decembro, de protección de datos persoais e garantía dos dereitos dixitais, e co Real decreto 1720/2007, do 21 de decembro, polo que se aproba o Regulamento de desenvolvemento da Lei Orgánica 15/1999, de 13 de decembro, de protección de datos de carácter persoal, as partes integrantes deste convenio que por razón das actividades formativas teñan acceso a datos de carácter persoal, non disporán dos mesmos con finalidade distinta á esixida polas accións formativas.

Neste sentido, haberá que atender ao contemplado no Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos e polo que se derroga a Directiva 95/46 CE (Regulamento xeral de protección de datos).

### **Décimo primeira. Publicidade do convenio, transparencia e bo governo**

A firma deste convenio suporá o consentimento expreso do interesado á administración para incluír e facer públicos os datos referidos ao convenio de conformidade co artigo 15 da Lei 1/2016, do 18 de xaneiro, de transparencia e bo governo, co artigo 8 da Lei 19/2013, do 9 de decembro, (BOE 10-12-2013) de transparencia, acceso á información pública e bo governo e co Decreto 126/2006, do 20 de xullo, polo que se regula o Rexistro de Convenios da Xunta de Galicia.

### **Décimo segunda. Vixencia do convenio**

O convenio, tendo en conta o artigo 49 da Lei 40/2015, do 1 de outubro, de Réxime Xurídico do Sector público, entrará en vigor na data da súa sinatura, con efectos dende o inicio do curso académico 2021-2022, e terá unha vixencia de catro anos, podendo prorrogarse, por acordo das parte, mediante a addenda correspondente. Esta addenda terá unha vixencia máxima de catro anos e asinarase antes do remate do prazo de vixencia do convenio. Non obstante, o

convenio poderá denunciarse por calquera das partes; a denuncia deberá realizarse por escrito con dous meses de antelación á data na que se queira poñer fin á relación entre as partes.

#### **Décimo terceira. Carácter administrativo do convenio**

O presente convenio posúe carácter administrativo por razón do contido e materias sobre as que o mesmo versa, as cales ao abeiro do disposto no artigo 4 da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, o exclúen do seu ámbito de aplicación, sen prexuízo da aplicación dos principios desta lei para resolver as lagoas ou dúbidas que a súa aplicación suscite.

Dada a natureza administrativa deste instrumento xurídico, as controversias ou cuestións litixiosas que puideran xurdir na súa aplicación e non puidesen ser solucionadas no seo da comisión de seguimento, serán resoltas pola xurisdición contencioso-administrativa.

E, en proba de conformidade co exposto, as partes asinan o convenio na data da súa sinatura dixital.

O conselleiro de Cultura, Educación e  
Universidade  
Román Rodríguez González

O reitor da Universidade de Santiago  
de Compostela

O reitor da Universidade da Coruña

O reitor da Universidade de Vigo